



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**Odluka**  
**o prihvatanju Pokroviteljstva – Realizacija dokumentarnog filma radnog naziva**  
**„POFALIĆKA BITKA – GROM U ZORU“**  
**(Prijedlog)**

**Predlagač:** Gradonačelnica

**Obrađivač:** Stručna služba za poslove kabineta  
i poslove Gradske uprave

**Sarajevo, juli 2024. godine**

**Adresa:** Hamdije Kreševljakovića 3  
71 000 Sarajevo  
**Tel.:** +387 33 216 659  
**Fax:** +387 33 205 874  
**Email:** [gsgv@sarajevo.ba](mailto:gsgv@sarajevo.ba)  
**Web:** [gradskovijece.sarajevo.ba](http://gradskovijece.sarajevo.ba)



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), te člana 2. stav (4), a u vezi sa članom 4. stav (3) Odluke o uslovima i postupku prihvatanja pokroviteljstva Grada Sarajeva („Službene novine Kantona Sarajevo“, broj 5/06), Gradsko vijeće Grada Sarajeva, na \_\_. sjednici održanoj dana \_\_. \_\_. 2024. godine, donijelo je:

**(Prijedlog)**

**Odluku  
o prihvatanju Pokroviteljstva – Realizacija dokumentarnog filma radnog naziva  
„POFALIĆKA BITKA – GROM U ZORU“**

**Član 1.**

Ovom odlukom Gradsko vijeće Grada Sarajeva prihvata Pokroviteljstvo za finansijsku podršku realizaciji dokumentarnog filma radnog naziva „POFALIĆKA BITKA – GROM U ZORU“, autora Avde Huseinovića, a koji će se prikazivati u okviru obilježavanja Dani opsade grada Sarajeva 1992.-1995., 04. aprila 2025. godine u auli sarajevske Vijećnice.

**Član 2.**

Finansijska sredstva za pokroviteljstvo iz člana 1. ove odluke odobravaju se Udruženju „PRAVDA“ u ukupnom iznosu od 35.000,00 KM (slovima: tridesetpet hiljada i 00/100 KM).

**Član 3.**

Sredstva iz člana 2. ove odluke odobravaju se iz Budžeta Grada Sarajeva za 2024. godinu („Službene novine Kantona Sarajevo“, br. 55/23 i 13/24), sa pozicije: 614300: Tekući transferi neprofitnim organizacijama: Primjena Odluke o uslovima i postupku prihvatanja pokroviteljstva Grada Sarajeva.

**Član 4.**

Gradonačelnica Grada Sarajeva će sa navedenim udruženjem iz člana 2. ove odluke zaključiti poseban Ugovor kojim će se regulirati međusobna prava i obaveze.

**Član 5.**

Za realizaciju ove odluke zadužuje se gradonačelnica Grada Sarajeva putem Stručne službe za poslove kabineta i poslove Gradske uprave i Gradske službe finansija.

**Član 6.**

Odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVALAČI GRADSKOG VIJEĆA**

**Jasmin Ademović**

Broj:  
Sarajevo, \_\_. \_\_. 2024. godine

## OBRAZLOŽENJE

### PRAVNI OSNOV

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva kojim je propisano da Gradsko vijeće donosi odluke, druge propise i opće akte i daje njihovo tumačenje, te u članu 2. stav (4), a u vezi sa članom 4. stav (3) Odluke o uslovima i postupku prihvatanja pokroviteljstva Grada Sarajeva kojim je, između ostalog, propisano da konačnu Odluku o prihvatanju Pokroviteljstva uz finansijske obaveze Grada Sarajeva u iznosima većim od 25.000,00 KM donosi Gradsko vijeće Grada Sarajeva.

### RAZLOZI DONOŠENJA

Udruženju „PRAVDA“ uputilo je Gradskoj upravi Grada Sarajeva molbu za finansijsku podršku realizaciji dokumentarnog filma radnog naziva „POFALIĆKA BITKA – GROM U ZORU“, autora Avde Huseinovića, a koji će se prikazivati u okviru obilježavanja Dani opsade grada Sarajeva 1992.-1995., 04. aprila 2025. godine u auli sarajevske Vijećnice, protokoliranu pod brojem 08-11-5067/24 od 27.06.2024. godine.

Uz zahtjev je dostavljena i potrebna dokumentacija u skladu sa Pravilnikom o kriterijima za prihvatanje Pokroviteljstva Grada Sarajeva („Službene novine Kantona Sarajevo“, broj 32/17), kao i budžet projekta sa specifikacijom troškova kojim se od Grada Sarajeva traži iznos od 35.000,00 KM, i to za: troškove produkcije navedenog dokumentarnog filma.

Dokumentarni film radnog naziva „POFALIĆKA BITKA – GROM U ZORU“, autora Avde Huseinovića, tematski se bavi herojskim otporom Armije BiH u obrani glavnog grada i njenih građana. Pofalićka bitka od 16. maja 1992. godine bila je jedna od najvažnijih bosanski bitki, jer je spriječila presijecanje glavnog grada BiH, grada Sarajeva, na dva dijela, što bi u nastavku ratnih dejstava značilo apsolutno nemogućnost njegove obrane. Navedena bitka je jedna od važnijih bitki koja se vodila u opsadnom Sarajevu i ključna je za egzistenciju opstanka glavnog grada i njenih stanovnika.

Informativni centar Sarajevo, u skladu sa članom 4. Odluke o uslovima i postupku prihvatanja pokroviteljstva Grada Sarajeva, razmotrio je dostavljeni zahtjev sa stanovišta značaja navedenog dokumentarnog filma za Grad Sarajevo, u skladu sa Pravilnikom o kriterijima za prihvatanje Pokroviteljstva Grada, te utvrdila da Udruženje „PRAVDA“ ispunjava opće i posebne kriterije iz Pravilnika, nakon čega je aktom broj: 08-11-5067-1/24 od 28.06.2024. godine uputila Prijedlog gradonačelnici Grada Sarajeva za pokroviteljstvo sa visinom odobrenih sredstava.

Imajući u vidu naprijed izneseno te cijeneći značaj navedenog dokumentarnog filma za Grad Sarajevo, Gradsko vijeće Grada Sarajeva je, shodno Odluci o uslovima i postupku prihvatanja pokroviteljstva Grada Sarajeva, donijelo ovu odluku.

### FINANSIJSKA SREDSTVA

Finansijska sredstva za realizaciju ove odluke bit će obezbijedena u Budžetu Grada Sarajeva za 2024. godinu na poziciji 614300: Tekući transferi neprofitnim organizacijama: Primjena Odluke o uslovima i postupku prihvatanja pokroviteljstva Grada Sarajeva.